



ASOCIJACIJA ZA DEMOKRATSKE INICIJATIVE
SARAJEVO

GODIŠNJI IZVJEŠTAJ ZA 2021. GODINU

Asocijacija za demokratske inicijative Sarajevo (ADI)

Email: snjezana@adi.org.ba

Zmaja od Bosne 8, 71 000 Sarajevo

Website: www.adi.org.ba

SADRŽAJ

UVOD	3
O NAMA	4
PROJEKTI	6
Projekat: “Unaprjeđenje pristupa privrednim sudovima u Bosni i Hercegovini, Izrada i distribucija Vodiča za samozastupanje za mikro, mala i srednja preduzeća (MMSP)”	6
Projekat: “Građanska misija obrazovanja”	8
RAD SA PARTNERSKIM OCD I MREŽAMA	12
PARTNERI (PARTNERI U BIH I MEĐUNARODNI PARTNERI)	13
DONATORI	15
FINANSIJSKI IZVJEŠTAJ ZA 2021. GODINU	16
Izvori finansiranja u 2021. godini	16
Bilans uspjeha za 2021. godinu	17
UPOSLENICE	18
KONTAKT PODACI	19

UVOD

Poštovani_a,

Godišnji narativni i finansijski izvještaj za 2021. godinu Asocijacije za demokratske inicijative (ADI) ima za cilj da Vas detaljno upozna sa aktivnostima i rezultatima tokom protekle godine.

Narativni dio izvještaja sadrži pregled implementiranih projekata i glavnih pojedinačnih aktivnosti, dok finansijski dio izvještaja procentualno prikazuje udio donatorskih sredstava u ukupnoj finansijskoj strukturi ADI-ja tokom 2021. godine.

Tokom 2021. godine, ADI je nastavila sa implementacijom projekata iz 2020. godine u polju zaštite i promocije ljudskih prava, saradnju i rad u mrežama i koalicijama, institucijama pravosuđa, te mikro, malim i srednjim preduzećima (MMSP) u BiH

Obzirom da je 2020. godina ograničila rad mnogim poslovnim subjektima, kao i organizacijama civilnog društva, ADI je svoj u potpunosti prebacila u online format. ADI je nastavila saradnju i rad u mrežama i koalicijama, te se uključila u izvještavanje o stanju migrantske krize u BiH. Dodatno, u 2020. godini ADI je radila i sa mikro, malim i srednjim preduzećima (MMSP) u BiH kako bi doprinijela lakšem pristupu MMSP sudovima u BiH. ADI je nastojala da uključi sve građane_ke BiH, mlade ljude, učenike_ce, studente_ice, povratnike_ce, pripadnike_ce manjina u BiH, predstavnike_ce institucija u BiH.

Izvještaj je namijenjen široj javnosti, donatorima i partnerima, te sadrži detaljne opise projekata i projektnih aktivnosti koje su implementirane u proteklih dvanaest mjeseci.

Nadamo se da će vam ovaj izvještaj dati više informacija o našem radu i djelovanju na polju zaštite i promocije ljudskih prava u BiH, kao i promicanja procesa EU integracija u BiH.

S poštovanjem,
Asocijacija za demokratske inicijative (ADI)

O NAMA

Asocijacija za demokratske inicijative (ADI) je nevladina i nestranačka organizacija osnovana 2003. godine s ciljem da obavlja posao Sekretarijata Balkanske mreže za ljudska prava (BHRN). BHRN je regionalna mreža nevladinih organizacija koje djeluju u oblasti promocije i zaštite ljudskih prava. Iskustva i metode razvijene kroz rad BHRN-a, ADI je pretočila u konzistentnu formu prenosivog znanja kodificiranog tako da može biti korišteno u svim organizacijama i sredinama.

Već osamnaest godina ADI radi na **političkom i ekonomskom razvoju, vladavini prava, promociji zaštite ljudskih prava, EU integracija u Bosni i Hercegovini kroz jačanje praksi participativne demokratije i iniciranje partnerstava između civilnog društva, državnih institucija i privatnog sektora**. Jedan od posebnih ciljeva ADI-a je podrška organizacijama civilnog društva u izgradnji njihovih institucionalnih kapaciteta i promocije njihove uloge u društvu. To radimo kroz promociju i monitoring implementacije postojećih mehanizama zaštite ljudskih prava, jačanjem praksi participativne demokratije i iniciranjem partnerstava između civilnog društva i državnih institucija.

ADI je **inicirala uspostavu Mreže pravde**, prve sektorske mreže u Bosni i Hercegovini koja je brojala **64 organizacije**. Dodatno, ADI je i jedna od 5 nevladinih organizacija koja je potpisala Memorandum o uspostavljanju mehanizama za praćenje i ocjenu sprovođenja Strategije za reformu sektora pravde u Bosni i Hercegovini s Ministarstvom pravde BiH i do danas je izdala tri godišnja izvještaja o sprovođenju Strategije za reformu sektora pravde u BiH. ADI je također potpisnica pisma obaveze za Forum za zajedničke politike koje je ustanovilo Ministarstvo pravde Bosne i Hercegovine i Visokog sudskog i tužilačkog vijeća Bosne i Hercegovine 2013. godine. Od 2013. godine smo aktivno uključeni u **monitoring suđenja slučajeva zločina počinjenih iz mržnje i slučajeva diskriminacije**, a od 2018. godine smo započeli **monitoring izbjegličke i migrantske krize u BiH**. U 2019. godini smo **radili aktivno sa poslovnom zajednicom**, te u 2020. godini **izradili Vodič za samozastupanje za mikro, mala i srednja preduzeća u FBiH i RS**.¹ Tokom 2021. godine, ADI je izradila **drugo izdanje Vodiča za samozastupanje za mikro, mala i srednja preduzeća u FBiH i RS**² koje uključuje poglavlje o upravnom sporu i dodatne informacije o likvidaciji i stečaju. Nadalje, u sklopu projekta „Program zakonodavne pomoći krivičnim postupcima u Bosni i Hercegovini“ ADI je u 2021. godini nastavila svoj rad i djelovanje u polju **harmonizacije zakona o krivičnim postupcima u BiH**, te saradnju sa pravnim fakultetima u BiH i Sjedinjenim Američkim Državama na temu krivičnom procesnog prava.

U periodu od 2007. do danas, ADI je aktivno uključena u zagovaranje za donošenje i primjenu legislative, kojom bi se sankcionirala diskriminacija u BiH. Pored učešća u procesu donošenja Zakona o zabrani diskriminacije 2007. godine aktivno je učestvovala u davanju komentara na

¹ Vodič za samozastupanje za mikro, mala i srednja preduzeća u FBiH i RS, dostupno na: <https://adi.org.ba/2020/01/27/vodic-za-samozastupanje-za-mikro-mala-i-srednja-preduzeca/>

² Drugo izdanje Vodiča je dostupno na sljedećem linku: <https://adi.org.ba/2021/05/31/vodic-za-samozastupanje-za-mikro-mala-i-srednja-preduzeca-drugo-izdanje/>

primjenu Zakona u 2010. godini. U okviru izvještavanja za Univerzalni periodični pregled ispred Mreže pravde, ADI je dostavila Vijeću za ljudska prava dva izvještaja (2010 i 2014), koji su dali pregled preporuka za rješavanje problema diskriminacije u BiH. U periodu 2010-2011, ADI je radila na jačanju kapaciteta radnika/ca u pet oblasti od kojih se jedna ticala diskriminacije radnika/ca u oblasti radnih prava. Kao i prethodnih godina, ADI je u 2021. godini učestvovala u pisanju Alternativnog izvještaja o aplikaciji Bosne i Hercegovine za članstvo u Evropskoj uniji za 2019. - 2020. godinu³ u sklopu Inicijative za monitoring evropskih integracija Bosne i Hercegovine.

ADI ima izgrađena jaka partnerstva s velikim brojem institucija širom BiH i regiona. U realizaciji tekućih projektnih aktivnosti, ADI se oslanja na preko 300 organizacija u BiH, Ministarstva pravde na državnom i entitetskim nivoima, Ministarstvu za ljudska prava i izbjeglice BiH, općine u BiH, te Ministarstvo za civilne poslove BiH. Naši donatori su USAID, Ambasada SAD-a u BiH, Fond otvoreno društvo BiH, Europska komisija, Civil Rights Defenders, Vlada Velike Britanije, Švicarska Vlada, Švicarska ambasada u Sarajevu, Ambasada Kraljevine Holandije u Crnoj Gori, Danski centar za ljudska prava, Katalonski Ombudsman, UNDP BiH, UNDP Srbija, Britanska ambasada u BiH, Vlada Švedske, OSCE misija u Hrvatskoj i Dansko ministarstvo inostranih poslova.

Također, ADI radi na izgradnji kapaciteta organizacija civilnog društva organizirajući treninge za organizacije civilnog društva (OCD) s fokusom na razvoj njihovih znanja i vještina u oblasti izrade javnih politika, pisanju projektnih prijedloga, finansijskog upravljanja, strateškog planiranja, izgradnju komunikacijske strategije, organiziranje kampanja zagovaranja i javnih konsultacija. Slični treninzi organizuju se u općinama i malim firmama u cijeloj zemlji.

³ Alternativni izvještaj je dostupan na sljedećem linku: <https://adi.org.ba/2021/07/13/alternativni-izvjestaj-o-aplikaciji-bosne-i-hercegovine-za-clanstvo-u-evropskoj-uniji-za-2019-2020-godinu-politicki-kriteriji/>

PROJEKTI

Projekat: “Unaprjeđenje pristupa privrednim sudovima u Bosni i Hercegovini, Izrada i distribucija Vodiča za samozastupanje za mikro, mala i srednja preduzeća (MMSP)”

Trajanje projekta: 04/02/2019 – 31/03/2021

Donator projekta: Podržan od strane Svjetske banke, a finansiran od strane Vlade Velike Britanije, UK Aid

Nositelj projekta: Asocijacija za demokratske inicijative, Sarajevo (ADI)

Partneri projekta: Udruženje poslodavaca Federacije Bosne i Hercegovine (UPFBiH) i Unija udruženja poslodavaca Republike Srpske (UUPRS)

Mjesto provedbe projekta: Bosna i Hercegovina

Uzimajući u obzir probleme sa kojima se suočavaju mikro, mala i srednja preduzeća (MMSP) u BiH, Asocijacija za demokratske inicijative (ADI), uz suradnju sa Udruženjem poslodavaca Federacije Bosne i Hercegovine (UPFBiH) i Unije udruženja poslodavaca Republike Srpske (UUPRS), je 2019. godine započela sprovođenje projekta pod nazivom “Unaprjeđenje pristupa privrednim sudovima u Bosni i Hercegovini, Izrada i distribucija Vodiča za samozastupanje za mikro, mala i srednja preduzeća (MMSP)”.

Glavni cilj projekta je izrada i

distribucija Vodiča za samozastupanje za MMSP u FBiH i Vodiča za samozastupanje za MMSP u RS. U periodu 2019 – 2021. godina, implementirane su sljedeće aktivnosti:

- Izrada Vodiča za samozastupanje za mikro, mala i srednja preduzeća u FBiH i Vodiča za samozastupanje za mikro, mala i srednja preduzeća u RS,⁴
- 2 okrugla stola (Sarajevo i Banja Luka) u svrhu promovisanja Vodiča,
- 2 press konferencije (Sarajevo i Banja Luka),



⁴ Vodič za samozastupanje za mikro, mala i srednja preduzeća u FBiH možete preuzeti ovdje:

http://adi.org.ba/wp-content/uploads/2020/01/Vodic-za-samozastupanje-FBiH_Dec-2019-BHS.pdf. Vodič za samozastupanje za mikro, mala i srednja preduzeća u RS možete preuzeti ovdje: http://adi.org.ba/wp-content/uploads/2020/01/Vodic-za-samozastupanje-RS_Dec-2019-BHS.pdf.

- Distribucija i promocija Vodiča za samozastupanje za mikro, mala i srednja preduzeća u FBiH i RS,
- Izrada kratkih promotivnih video spotova za promociju Vodiča,⁵
- Izrada kratkih promotivnih radio džinglova za promociju Vodiča,
- Izrada i štampanje promotivnih letaka i postera,
- Revizija Vodiča odnosno izdavanje drugog izdanja⁶ na osnovu komentara i sugestija prikupljenih na prethodnim aktivnostima, kao i izmjena i dopuna zakona.

U 2021. godini, ADI se fokusirala na distribuciju i promociju Vodiča za samozastupanje, te izradu drugog izdanja Vodiča. Prva verzija Vodiča je objavljena u decembru 2019. godine i široko distribuirana među poslovnom zajednicom. Kako bi uključili povratne informacije korisnika, ali i naučene lekcije tokom pandemije COVID-19, izrađeno je drugo izdanje koje uključuje poglavlje o upravnom sporu i dodatne informacije o likvidaciji i stečaju. Svrha Vodiča za samozastupanje za mikro, mala i srednja preduzeća je da pomogne MMSP u Federaciji Bosne i Hercegovine i Republici Srpskoj da bolje razumiju sudske procese i steknu osnovna znanja neophodna kako bi se samozastupali na sudu.



Isječak iz promotivnog video spota, Vodič za samozastupanje za MMSP

⁵ Promotivni film - Vodič za samozastupanje za mikro, mala i srednja preduzeća u Federaciji Bosne i Hercegovine dostupan ovdje: <https://adi.org.ba/2020/03/20/promotivni-film-vodic-za-samozastupanje-za-mikro-mala-i-srednja-preduzeca-u-federaciji-bosne-i-hercegovine/>, Promotivni film - Vodič za samozastupanje za mikro, mala i srednja preduzeća u Republici Srpskoj dostupan ovdje: <https://adi.org.ba/2020/02/25/promotivni-film-vodic-za-samozastupanje-za-mikro-mala-i-srednja-preduzeca-u-republici-srpskoj/>

⁶ Drugo izdanje Vodiča je dostupno na sljedećem linku: <https://adi.org.ba/2021/05/31/vodic-za-samozastupanje-za-mikro-mala-i-srednja-preduzeca-drugo-izdanje/>

Projekat: “ Doprinos akademske zajednice zaštiti ljudskih prava u BiH - CAHR projekat“

Trajanje projekta: 01/01/2021 – 31/12/2022

Donator projekta: Europska Unija

Nositelj projekta: Univerzitet za poslovni inženjering i menadžment (PIM)

Partner projekta: Asocijacija za demokratske inicijative, Sarajevo (ADI)

Mjesto provedbe projekta: Bosna i Hercegovina

U januaru 2021. godine, Univerzitet za poslovni inženjering i menadžment (PIM) i Asocijacija za demokratske inicijative, Sarajevo (ADI) započeli su sa implementacijom projekta čiji je primarni fokus usmjeren na kršenja prava građana prouzrokovana radom institucija i pojedinaca na političkim funkcijama. Slučajevi kršenja ljudskih prava, koje bilježe organizacije civilnog društva u BiH, mogu se klasificirati u nekoliko kategorija (sloboda mišljenja i informacija, sloboda mirnog okupljanja i organizovanja i sloboda kretanja).

Javno predstavljanje Studije mapiranja institucionalnog kršenja ljudskih prava u Bosni i Hercegovini u Tuzli, 05.10.2021. godine



Koncept zaštite i promocije ljudskih prava pružit će se kroz inovativan pristup umrežavanju akademskih institucija i organizacija civilnog društva. Imajući na umu da komunikacija između ova dva sektora u vezi sa zaštitom prava nije funkcionirala najbolje u prethodnom periodu, projekat će se baviti zajedničkim aktivnostima zagovaranja ova dva sektora. Sastavni dio ovih zagovaračkih aktivnosti će uključiti i istraživačke novinare i ljude koji su prepoznati kao branitelji ljudskih prava i koji čine osnovu komunikacije na projektu s akademskim predstavnicima. Ovako uspostavljena mreža će raditi na pregovaračkoj sesiji sa institucijama o temama vezanim za kršenje ljudskih prava.

U toku 2021. godine, PIM i ADI su implementirali sljedeće aktivnosti:

- izrada „Studije mapiranja institucionalnog kršenja ljudskih prava u Bosni i Hercegovini”,⁷
- pet javnih predstavljanja Studije u Istočnom Sarajevu, Banjoj Luci, Tuzli, Mostaru i Brčkom,
- tri radionice za izradu zagovaračkog plana u Istočnom Sarajevu, Banjoj Luci i Tuzli,
- dva sastanka ekspertske radne grupe projekta.

⁷ Studija je dostupna na sljedećem linku: <https://adi.org.ba/2021/08/31/institucionalna-krsenja-ljudskih-prava-u-bosni-i-hercegovini/>

Više o implementiranim aktivnostima možete pročitati na www.adi.org.ba.

Projekat: “Jednake šanse za zapošljavanje i dostojanstvo na radu LGBTIQ osoba u BiH”

Trajanje projekta: 01/09/2021 – 30/04/2023

Donator projekta: USAID Inspire

Nositelj projekta: Helsinški odbor za ljudska prava

Partner projekta: Asocijacija za demokratske inicijative, Sarajevo (ADI)

Mjesto provedbe projekta: Bosna i Hercegovina

Projekat “Jednake šanse za zapošljavanje i dostojanstvo na radu LGBTIQ osoba u BiH” se fokusira na sposobnost države BiH i svih nivoa vlasti da ispune obavezu unaprijeđenja poštovanja ljudskih prava i osnovnih sloboda, kako je to proglašeno UN-ovom deklaracijom o ljudskim pravima, EKLJP i drugim međunarodnim i regionalnim instrumentima o ljudskim pravima koji su integrisani u domaće zakonodavstvo i strateške dokumente BiH. Osiguravanje jednakosti u pristupu pravima i nediskriminaciji ključ je demokratskog razvoja i ovaj projekat podržava institucionalne i vaninstitucionalne aktere u BiH da se uhvate u koštac sa postojećim, ali nedovoljno javno i institucionalno rješanim problemom diskriminacije, zasnovanim na seksualnoj orijentaciji, rodnom identitetu, rodnom izražavanju i seksualnim karakteristikama LGBTIQ osoba u procesu zapošljavanja. Ostvarivanjem specifičnog cilja koji se odnosi na poboljšanje postojećeg zakonodavnog, političkog i društvenog okvira politike i njegovom efikasnom primjenom u vidu zabrane i sankcionisanja diskriminacije u javnom i privatnom zapošljavanju LGBTIQ osoba, sinhronizovano sa postojećim Zakonom o zabrani diskriminacije na državnom nivou, projekat će izvršiti direktan uticaj na uspješnost intervencije u borbi protiv diskriminacije kroz poboljšani pravni okvir i nultu toleranciju na politiku diskriminacije.

Na početku projekta biće provedeno istraživanje među 1000 ispitanika (iz LGBTIQ populacije, organizacija civilnog društva i grupa za zaštitu ljudskih prava, sindikata, preduzeća, udruženja poslodavaca i ministarstava rada koje će dati jasnu sliku o trenutnoj situaciji pristupa zapošljavanju i diskriminaciji LGBTIQ osoba u BiH. Kroz ovu fazu, 1000 osoba iz ciljanih sektora doprinijeće detaljnoj analizi i izradi preporuka za izmjene zakonskog, političkog i društvenog okvira i nediskriminaciju LGBTIQ osoba u radnom odnosu. Na osnovu analiziranih podataka i izrađenih preporuka, vršiće se direktan uticaj na zakonodavstvo o radu u oba entiteta u BiH i u BD kroz formiranje i rad Ekspertske grupe koju će činiti 2 predstavnika LGBTIQ zajednice, 1 branitelj ljudskih prava, 3 predstavnika udruženja poslodavaca, 2 predstavnika sindikata, 3 predstavnika ministarstava rada i 2 pravna stručnjaka, od kojih će 1 pravni stručnjak biti iz Institucije ombudsmana za ljudska prava BiH. Ekspertska grupa izradiće tri prijedloga na entitetskom nivou i nivou BD za zakonodavne, političke i društvene promjene u vezi sa zabranom diskriminacije LGBTIQ osoba u procesima vezanim za zapošljavanje i dostojanstvo na radu koji su usklađeni sa Zakonom o zabrani diskriminacije u BiH.

Na osnovu preporuka za istraživanje i policy dokumenata koje razvije Ekspertska grupa, biće kreiran program i realizovano ukupno 5 treninga za 150 članova sindikata, udruženja poslodavaca, zaposlenih u ministarstavima rada, predstavnika LGBTIQ

populacije, organizacija i grupa za zaštitu ljudskih prava, kao i drugih zainteresovanih pojedinaca. Treninzi će biti fokusirani na diskriminaciju LGBTIQ osoba u ciklusu zapošljavanja i šta treba učiniti na uklanjanju identifikovane diskriminacije. Ove aktivnosti rezultiraće time da će 150 nosilaca dužnosti iz javnog i privatnog sektora u BiH biti obučeni kako da osiguraju, promovišu, nadziru i sankcionišu antidiskriminaciju LGBTIQ osoba u radnom odnosu u njihovom profesionalnom radu. Kroz zagovaračke aktivnosti, biće informisano 60 članova parlamentarnih političkih stranaka i nadležnih ministarstava sa svih nivoa o predloženim zakonskim i političkim promjenama. Očekuje se da najmanje 35% njih podrži predložene promjene i 3 inicijative za pravno unaprijeđenje politike antidiskriminacionog zakonodavstva vezanog za za zapošljavanje i dostojanstvo na radu. Predviđeno trajanje projekta je 20 mjeseci na području 12 lokalnih zajednica u BiH (Bijeljina, Brčko, Banja Luka, Prijedor, Tuzla, Sarajevo, Travnik, Zenica, Konjic, Mostar, Višegrad i Trebinje).

RAD SA PARTNERSKIM OCD I MREŽAMA

Već dugi niz godina Asocijacija za demokratske inicijative je članica većeg broja mreža i koalicija, te učesnica inicijativa partnerskih OCD-a. Smatramo da je umrežavanje i zajednički rad više OCD od izuzetnog značaja u smislu platforme za zajedničko djelovanje. Članstvo u mrežama i koalicijama doprinosi većoj informiranosti, bržoj razmjeni informacija i iskustava, promociji aktivnosti, te lakšem zajedničkom djelovanju u procesu zagovaranja.

U toku svog postojanja ADI je članica sljedećih mreža i koalicija:

Balkanske mreže za ljudska prava (BHRN)

Mreže pravde u BiH

NVO Vijeće

Mreža za izgradnju mira

Balkanska regionalna mreža za vladavinu prava (BRRLN)

Koalicija za borbu protiv govora mržnje i zločina iz mržnje

Mreža Sporazum plus

Inicijativa za monitoring evropskih integracija Bosne i Hercegovine

BiH Civil Society Initiative for UPR



I u 2021. godini, ADI je nastavila aktivnu suradnju sa *American Bar Association Rule of Law Initiative (ABA ROLI)* na projektu „**Program zakonodavne pomoći krivičnim postupcima u Bosni i Hercegovini**“. Projekat implementira ABA ROLI, a podržan je od strane US State Department’s Bureau of International Narcotics and Law Enforcement Affairs (INL). U sklopu projekta planirane su aktivnosti suradnje sa pravnim fakultetima u BiH, kao i sudovima, tužilaštvima i ostalim relevantnim zakonodavnim institucijama u cilju harmonizacije zakona o krivičnim postupcima u BiH. Glavni cilj projekta je izrada prijedloga za izmjene i dopune zakona o krivičnim postupcima u BiH u svrhu harmonizacije zakona i osiguranja pravne jednakosti građana u BiH.

PARTNERI (PARTNERI U BIH I MEĐUNARODNI PARTNERI)

PARTNERI U BIH	MEĐUNARODNI PARTNERI
Američki kutak BiH	Association for Democratic Initiatives Gostivar - Makedonija
Biro za ljudska prava Tuzla	Association of Civil Society Development Centre (STGM) – Turska
Centar za interdisciplinarnе studije Univerziteta u Sarajevu	Beogradski centar za ljudska prava - Srbija
Centar za ljudska prava Univerziteta u Sarajevu	Centar za monitoring i istraživanje (CeMI) – Crna Gora
Centar za mlade KVART	Civil Rights Program in Kosovo (CRP/K)
Centar za promociju civilnog društva (CPCD)	Danski institut za ljudska prava/Danish Institute for Human Rights (DIHR)
Centri civilnih inicijativa	European Citizens Action Service (ECAS) – Belgija
Fondacija Centar za javno pravo (CJP)	Freedom house Serbia
Helsinški odbor za ljudska prava	Front Line Defenders (FLD)
Infohouse	Komitet pravnika za ljudska prava (YUCOM) – Srbija
Inicijativa mladih za ljudska prava (YIHR)	Law Centres Network (LNC) – Velika Britanija
Kantonalna privredna komora Tuzla	National Association of Citizens Information Services (NACIS) – Irska
Mediacentar Sarajevo	Nacionalna zaklada za razvoj civilnog društva (NZRCD) – Hrvatska
Ministarstvo obrazovanja, nauke, kulture i sporta Srednjobosanski kanton	National Association of Citizens Advice Bureaux (NACAB) – Rumunija
Ministarstvo obrazovanja, nauke, kulture i sporta USK,	Organizacija za ljudska prava „Jednakost“ – Srbija
Ministarstvo prosvjete, znanosti, kulture i športa Županije Posavske,	Transparentnost Srbija
Ministarstvo unutrašnjih poslova ZDK	
Ministarstvo za obrazovanje, mlade, nauku, kulturu i sport Bosansko-podrinjskog kantona Goražde	
Ministarstvo za obrazovanje, nauku i mlade Kantona Sarajevo	
Ministarstvo znanosti, prosvjete, kulture i športa Hercegbosanske županije,	
Mreža pravde u Bosni i Hercegovini	
Mreža Sporazum plus	
Mreža za izgradnju mira	
Odjeljenje za obrazovanje Brčko distrikta BiH	

Općina Goražde
Općina Jablanica
Općina Vareš
Općina Vitez
Opština Bijeljina
Opština Foča
Pravni fakultet Bihać
Pravni fakultet Univerziteta u Sarajevu
Pravni portal „ePravo.ba“
Pravosudna komisija Brčko Distrikta
Sarajevski Otvoreni Centar (SOC)
Transparency International Bosna i Hercegovina
Twinning Platform
Udruženje ARBITRI
Udruženje medijatora u Bosni i Hercegovini
Udruženje „Vaša prava BiH“
Udruženje poslodavaca Federacije Bosne i Hercegovine (UPFBiH)
Udruženje za održivi povratak Podrinja
Udruženje/udruga BH novinari
UG Omladinski centar Gornji Vakuf/Uskoplje
Unija udruženja poslodavaca Republike Srpske (UUPRS)
Univerzitet „Džemal Bijedić“ u Mostaru, Pravni fakultet
Univerzitet u Tuzli, Pravni fakultet
Univerzitet u Zenici, Pravni fakultet
Vijeće mladih grada Mostara
Vijeće za štampu u BiH


DONATORI

- Ambasada Kraljevine Holandije u Crnoj Gori
- British Government
- Canadian Embassy
- Catalan Ombudsman
- Civil Rights Defenders
- Europska komisija
- Fond otvoreno društvo BiH
- Front Line Defenders (FLD)
- Ministry of Foreign Affairs of Denmark (MFA)
- Svjetska banka
- Swiss Embassy Sarajevo
- UNDP BiH
- US Embassy BiH
- USAID
- USAID/JSDP
- Visoko sudsko i tužilačko vijeće
- Vlada Švicarske

FINANSIJSKI IZVJEŠTAJ ZA 2021. GODINU

Izvori finansiranja u 2021. godini

REDNI BROJ	DONATOR	IZNOS U KM	%
1	American Bar Association Rule of Law Initiative (ABA ROLI)	17.756,35	25,06%
2	Svjetska banka i Vlada Ujedinjenog Kraljevstva	14.713,71	20,77%
3	USAID Inspire	2.120,00	2,99%
4	Europska unija	36.261,09	51,18%
5	Ostali prihodi	0,00	0,00%
UKUPNO		70.851,15	100,00%



Bilans uspjeha za 2021. godinu

OPIS	PRETHODNA GODINA (2020)	TEKUĆA GODINA (2021)
A PRIHODI		
HUMANITARNI PRIHODI	123.707	54.494
PRIHODI OF VLASTITE AKTIVNOSTI	671	59
OSTALI PRIHODI	-	-
SVEGA PRIHODI	124.378	54.553
B RASHODI		
MATERIJAL I ENERGIJA	851	174
USLUGE	14.679	7.510
PLATE	22.125	30.617
AMORTIZACIJA	872	218
PUTNI TROŠKOVI	1.039	267
OSTALI RASHODI	64.552	26.178
SVEGA RASHODI	104.118	64.964
C REZULTAT		
VIŠAK PRIHODA	20.260	-
VIŠAK RASHODA	-	10.411

UPOSLENICE



Snježana Ivandić Ninković
Direktorica

snjezana@adi.org.ba



Dajana Čelebić

dajana@adi.org.ba

KONTAKT PODACI

Asocijacija za demokratske inicijative

Zmaja od Bosne 8

71 000 Sarajevo, Bosna i Hercegovina

snjezana@adi.org.ba

www.adi.org.ba